

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADONAČELNIK**

Broj: 02-45-9985/22  
Zenica, 11.05.2022. godine

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 28. i 29. Zakona o pozorišnoj djelatnosti (“Službene novine Zeničko-dobojskog kantona, broj: 4/16), a u vezi sa odredbom člana 16. Pravila Javne ustanove Bosansko narodno pozorište Zenica, broj: 569/04 i 79/05, u postupku izbora i imenovanja Upravnog odbora Javne ustanove Bosansko narodno pozorište Zenica, Gradonačelnik Grada Zenice objavljuje

**O G L A S**  
**za izbor i imenovanje Upravnog odbora**  
**Javne ustanove Bosansko narodno pozorište Zenica**

Objavljuje se Oglas za izbor i imenovanje Upravnog odbora Javne ustanove Bosansko narodno pozorište Zenica.

Upravni odbor Javne ustanove Bosansko narodno pozorište Zenica sastoji se od tri člana (predsjednik i dva člana).

U pravilu, jedan član se imenuje iz reda stručnih radnika zaposlenih u Ustanovi.

Mandat članova Upravnog odbora traje četiri (4) godine uz mogućnost ponovnog izbora i imenovanja.

**I OPIS POZICIJE**

Upravni odbor Javne ustanove Bosansko narodno pozorište Zenica ima sljedeće nadležnosti: donosi Pravila Pozorišta; imenuje i razrješava direktora; utvrđuje planove i programe rada i razvoja; utvrđuje godišnji program rada; donosi finansijski plan i usvaja godišnji obračun; donosi Pravilnik o radu sa unutrašnjom organizacijom i sistematizacijom poslova i druge opšte akte u skladu sa zakonom i Pravilima; donosi Poslovnik o radu Upravnog odbora Pozorišta; odlučuje o svim pitanjima obavljanja djelatnosti radi kojih je Pozorište osnovano, ako zakonom nije određeno da o određenim pitanjima odlučuje drugi organ Pozorišta; usmjerava, kontroliše i ocjenjuje rad direktora; rješava sva pitanja odnosa sa Osnivačem; odgovara Osnivaču za rezultate rada Pozorišta; odlučuje o prigovoru zaposlenika na rješenje kojim je drugi organ, određen Pravilima Pozorišta; odlučio o pravu, obavezi, odgovornosti zaposlenika iz radnog odnosa; podnosi osnivaču najmanje jedanput godišnje izvještaj o poslovanju Pozorišta; odlučuje o naknadi i visini naknade za rad predsjednika i članova Upravnog odbora uz saglasnost Osnivača; vrši i druge poslove u skladu sa zakonom, ovim pravilima i drugim općim aktima Pozorišta.

Kandidati moraju ispunjavati opće i posebne uslove.

## **II Opći uslovi za imenovanje su:**

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u ustanovi u čiji se upravni odbor kandiduje,
7. da nije izabran zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije direktor ustanove i rukovodilac organizacione jedinice u pozorištu,
9. da nije istovremeno član u više od dva upravna odbora pozorišta,
10. da nije član niti jednog nadzornog odbora, upravnog odbora ostalih javnih ustanova, odnosno odbora za reviziju nekog privrednog društva ili institucije,
11. da nije osuđivan za krivično djelo,
12. da nije pravosnažnim rješenjem kažnjavao za prekršaje nespojive sa dužnošću u upravnom odboru, niti mu je izrečena zaštitna mjera zabrane obavljanja aktivnosti u nadležnosti upravnog odbora u posljednjih pet godina od dana pravosnažnosti rješenja,
13. da nije stariji od 70 godina na dan imenovanja.

## **III Posebni uslovi za imenovanje su:**

1. VSS-VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa 240 ECTS bodova - fakultet umjetničkog, humanističkog ili društvenog usmjerenja,
2. najmanje tri godine radnog iskustva u struci nakon sticanja visoke stručne spreme,
3. ostvareni i dokazani rezultati rada u oblasti kulture, umjetnosti, nauke ili obrazovanja,
4. sposobnost za savjesno, odgovorno i odlučno obavljanje upražnjene pozicije,
5. sposobnost nepristrasnog donošenja odluka,
6. sposobnost tumačenja ekonomskih i pravnih analiza i propisa, osobito iz djelatnosti organa u kojem se kandidira na upražnjenu poziciju,
7. preporuke ranijih neposrednih rukovodilaca.

## **IV Potrebni dokumenti:**

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu treba dostaviti:

1. diplomu o završenom obrazovanju,
2. dokaz o traženom radnom iskustvu nakon sticanja tražene stručne spreme (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. ovjerene izjave kandidata o činjenicama nabrojanim u tačkama 3. do 10. Općih uslova iz Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojim se dokazuje ispunjenost Općih uslova za imenovanje iz tačke 11. i 12., odgovorni javni službenik će zatražiti od kandidata koji budu predloženi za konačno imenovanje. Kandidati koji budu izabrani dužni su dostaviti tražena uvjerenja u roku od 5 dana od dana izbora i ista ne smiju biti starija od datuma objavljivanja Oglasa.

**Dokumenti koji se prilažu uz prijavu moraju biti originali ili ovjerene kopije.**

**Kandidati su obavezni u prijavi i na koverti naznačiti da li se prijavljuju na Oglas iz reda stručnih radnika zaposlenih u Ustanovi.**

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijave sa potrebnom dokumentacijom treba dostaviti lično na protokol Grada Zenica ili preporučeno poštom sa naznakom:

**„Prijava na Oglas za izbor i imenovanje Upravnog odbora  
Javne ustanove Bosansko narodno pozorište Zenica  
- NE OTVARATI“  
GRAD ZENICA  
Služba kabineta Gradonačelnika  
- Komisija za izbor -  
Trg Bosne i Hercegovine br. 6  
72 000 Zenica**

**GRADONAČELNIK  
Fuad Kasumović**